



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43	Issue No. 5	Ramhlun North: Ni 1 February, 2025
---------	-------------	------------------------------------

MARYMA
 MARYMA lak man
 Kum khatah: Rs. 200/-
 Thla khatah: Rs. 20/-
 Kan agent ten anrawn khawn dawn a, Chhungtin ten kan lo hre dawn nia.
 Tin, Advertistment hi a rate tih danglam a ni a, Inch khat a leng thei chin Rs.100 a ni anga, a bak chu inch khata Rs.50 in a pung ang.
 Vengchung mite duhsak bik thin an ni ang. Advertistment chungchang bikah kan manager Pu Mapuia (9862365843) biak thin tur a ni e.
 MARYMA hi whatsapp lamah te tih chhuah thin a ni a, lak loh phah nan i hman lo hram ang u. Tin, hmun danga awm lak man chawi thei kan awm chuan kan manager bulah a pek theih e.

SECTION THU THAR
 ■ **Saizahawl Section:** Pu Lalremchhunga te chhungkua chuan an fapa Jacob Lalnunmawia (L) hriatreng nan Chair tē 50 Nos. a tula hman atan an pe a. Section hruiute an lawm hle.

BRANCH THU THAR
 ■ **OB Incharge ruat fel:**
Vanapa - Pu Thandiangliana, Fin. Secretary
Taitesena - Dr Joseph Lalhmingliana, Asst. Secretary
Chawngbawla -Pu Rorelliana, Treasurer
Neuva- Pu Laldingliana Sailo, President
Saizahawla- Pu Biakchungnunga, Secretary
Khuangchera - Pu Lalrochama, Vice President
MARYMA- Pu Biakchungnunga, Secretary
Library - Dr Joseph Lalhmingliana, Asst. Secretary

SUB-COMT THU THAR
 ■ **Music Sub Committee:** Musical Instrument te enfelin OB te an hnathlang a, Acoustic guitar leh Bass guitar te siam that tir a ni.

SECTION HRUAITU TURTE THLAN FEL AN NI TA

Ramhlun North, the 1st February, 2025: Ni 31.01.2025 (Zirtawp ni) zan khan kumin chhunga section hruiute tur thlan an ni a. Veng chhungah harsatna awmn lovin kan inthlang thei a, a lawmawm hle. Heng mite hi kan thlan tharte an ni

Vanapa Section
 Leader: Pu Lalrampana
 Asst. Leader: Pu R. Lalrinliana
 Secretary: Pu David Lalrinzuala
 Asst. Secretary: Tv. PC Zothansanga
 Treasurer: Nl. Lalmuanpuui
 Fin. Secretary: Pu Lallawmkima Sailo

Taitesena Section
 Leader: Tv. Lalthanchhunga
 Asst. Leader: Pu KC. Lalramluanpuia
 Secretary: Pu H. Rodingliana
 Asst. Secretary: Pu John Lallawmawma
 Treasurer: Nl. Rosangpuui
 Fin. Secretary: Nl. V. Lalruatkimi

Neuva Section
 Leader: Pu John F. Lalrinsanga
 Asst. Leader: Pu Jonathan C. Lalrintluanga
 Secretary: Tv. C. Ramnunmawia
 Asst. Secretary: Tv. Zoneihsanga
 Treasurer: Nl. H. Lalromawii
 Fin. Secretary: Tv. KC Vanlalituanga

Chawngbawla Section
 Leader: Pu C. Remruatfela
 Asst. Leader: Pu Lalremsanga Hnamte
 Secretary: Pu Henry Zosangliana
 Asst. Secretary: Tv. Joseph Lalrinawma
 Treasurer: Nl. Lalrinfeli
 Fin. Secretary: Pu Joel Lalthanliana

Khuangchera Section
 Leader: Pu H. Lalremruata
 Asst. Leader: Pu H. Lalthazuala
 Secretary: Pu A. Lalfakzuala
 Asst. Secretary: Pu Vanlalenkawla
 Treasurer: Pu BK. Lianmanga
 Fin. Secretary: Pu F. Lalhruiatuanga

Saizahawla Section
 Leader: Pu K. Vungmanga
 Asst. Leader: Isaac Zothianghlina
 Secretary: Pu C. Lallianzuala
 Asst. Secretary: Pu Zodingliana Zote
 Treasurer: Nl. Elizabeth Lalnunluangi
 Fin. Secretary: Tv. C. Vanlalnghaka

LOCAL COUNCIL INTHLAN DAN TUR TIH DANGLAM A NI

Kan veng Local Council inthlan dan tur chu office lam atanginrawn thlak danglam a ni a. Part 4 a inthen tur ruahmanna lo awm tawh chu tih danglam a ni a, Part 4 ah ni lovin part 6-ah kan inthen ang. Tin, Polling Station pawh siam belh niin Govt. Endala Middle School chu hawn belh a ni. Local Level Officer atan Pu C. Lallianzuala, S-Sec. leh Pu T. Lalrinmawia, K-Sec. te ruat an ni. Vote thlakna hmun tur hetiang hian ruahman a ni.

Govt. Aizawl North College
 (Part 1- Vanapa Section leh Part 3 - Taitesena Section)
Govt. Model Primary School
 (Part 2- Chawngbawla Section leh Part 4 - Neuva Section)
Govt. Endala Middle School
 (Part 5- Saizahawla Section leh Part 6 - Khuangchera Section)
 Part tina Local Level Officer te:
 Pu Lalrammawia, V-Sec. **Part 1**
 Pu Lalrammuanpuia, C-Sec. **Part 2**
 Nl. B. Lalramnghaki, T-Sec. **Part 3**
 Pu K. Vanlalrova, N-Sec. **Part 4**
 Pu C. Lallianzuala, S-Sec. **Part 5**
 Pu T. Lalrinmawia, K-Sec. **Part 6**

Electoral roll-ah hian mahni section / part nilova chuang kan awm nual avangin whatsapp group Ramhlun North Tlangau lamah a soft-copyrawn tih chhuah a ni a, lo ngaihven mai tur a ni e.



Hruaitute zai ngaiin

Hnathawhna hmunah kan chung a mi te, zirna hmuna kan zirtirtute ah te, Pisa-ah te kan chung a mite hi kan Hotute an ni a. Kan duh emaw duh lo emaw, kan peih emaw peih lo emaw an thu kan zawm a ngai thin.

Kan ramah hian pawl hrang hrang kan nghah hle a, tam tak tlawmngai pawl a awm a. Heng pawlah hian Hruaitu tur kan thlangin kan inruat thin. Hruaitu nih hi thil awlai lo tak a ni a, a bikin YMA a ngat phe chu an hah leh buai hi hruaitu tan chan a tlem khawp mai.

Hruaitu nih chuan kan hruai pawlah kan chian a ngai a, kan member-te kan kaihhruaina kawngah pawh fimkhur a ngai hle a ni. Pawl thiltumah kalsan si lovin pawl hmasawwna ngaituah reng a ngai baw.

Section Office Bearers te kan thlang fel leh ta a, anni hian an thawhpui tur committee member-te an ruat leh dawn. Section kaihhruai hi thil namai a ni lo. A bikin mahni section huam chhunga, YMA thiltih a awm reng rengin an kutah a tla deuh vek a. Chhiat niah ngat phe chu an Branch kut ke ber an ni. Lumen te, bungraw lak khawm te, bungraw senghaw i te, thingpui lum te leh thlanmual lam thlengin an hmalakna deuh vek a ni.

Chhiat ni hi YMA te kan chet tam thinna ber a ni a, member-te pawhin hruaitute kuta dah mai lova, YMA member kan nih angin khawtlang thila tel ve thin hi kan tih tur a ni. Kan khawtlang kalphungah hian thenawm khawveng te mamawh lo tak tak kan awm lo.

Tunlai khawvel changkang zelah eizawn dan pawh a inang lo ta fur mai. Hman hun pawh a inang hleithe i ta lo. Tel kim vek pawh thil harsa lutuk a ni. Chutih laiin tel loh pawh theih ve tak a ni thung.

Remchanna leia tel ve hi a pawimawh khawp mai. Hun awl hman that aiaa hun awla awm awl hi tunlai khawvelah a sam zawk tawh bawk nen. Tih hramna tel lo chhuan chet hi a har ta hle nitein a lang.

YMA takin tanpui ngaite tanpui duh na rilru pu chungin kan hruaitu thlan tharte chhawmdawl turin tan la thar ang u.



TUILEHLUANG

Mizoram chhungah hian pi pute sulhnu ni-a sawi thil hrang hrang, hmun hrang hrangah a awm a. Heng sulhnu hluite hi 'Pi pute sulhnu' kan ti mai thin. Chung zingah chuan 'Tuilehluang' hi in lo hre ve tawh ngai em?

Tuilehluang hi a hunlai chuan, Mizorama tui hmingthang leh hriat hlawh tak a ni. 'Mizoram tui hmingthang' han tih mai hian a hunlai chuan hmingthang hle mahse, thangthar tam tak tan chuan a hriat loh theih hle tawh mai. Tuna kan sawi tur Tuilehluang hi Samthang ram ami, Mizo lal ropui tak, Sailo lal thlahtu tih hial thin Lallula, tlang changa a lal tanna hmun leh hmingthang taka Thlanrawn ho a rawtna Zopui hmuna hnar nei a ni. He lui hi hmar hawi zawnga luangin Iva lui a pawh hnuah chhim zawngin a let leh avang te, heng laia luite luan loh zawnga he lui hi a luan avang te in 'Tuilehluang' tih hming hi pu ta niin an sawi.

Tuilehluang hmingthan chhan hi sa chi hrang hrang a tam vang a ni ber. Kan pi leh pute rin dan chuan Thangchhuahnu leh Thangchhuahpa an thih hian an thlarau chu pialral ah kal in, faisa ringin an awm der der thin. Chuvangin thangchhuah kha an ngaisang in Thangchhuah nu leh pa nih theih nan theih tawp an chhuah thin a ni. In lam leh ram lamah thang hi a chhuah theih a. Ram lama thang chhuah tur chuan sa chi hrang hrang kah a ngai thin. Chutianga sa kap tur chuan hla tak takah, zan hnih zan thum emaw kar khat lai pawh sa pela ramvakin an riak chhuak thin a ni. Chuvangin sa tamna hmun leh ram ngaw dur pui puite chu a hun laia pasalthatate rilru leh mitthla reng thin, an lunglai luahtu a ni lo thei lo.

Tin, Tuilehluang kamah hian sih tui al tha tak mai a awm baw a, chu sih tui chu sa in an tlan hle thin. Kum 1929 khan tuna Samthang khua hi din a ni a. Samthang khua din a nih hnu pawhin chu sih tui chu chi ten nan an hmang thin a, chi khur pawh an nei a, tun thleng hian hmuh theihin a la awm. Chung te avang chuan Tuilehluangah chuan sava an tam hle thin.

Tin, Tuilehluang lui kam maiah puk zau nuam em em mai a awm a. Mihring



sawm rual lai pawh duh thal-a khawsak theihna a ni. Pasaltha sa pel-a ram vak te'n chu puk chu riah nan an hmang thin a, tun thleng hian a la awm. Lalkhuma pasaltha sa kap thei tak mai Thuamngena hi he pukah hian a riak fo thin a ni ang, tun thleng hian Thuamngena Puk tih a la ni reng.

Tuilehluang chhun tlang hian tlang dung thui tak, hmar thlang hawi in a inkhawh zurh mai a, tlang dung chu phul nuam tak vek niin a vel erawh chu ramngaw dur khup mai a ni thung. Chu chuan tuna Samthang khua hi a hual a ni. Chu tlang chu Bualpui Tlang tih a ni a, a sang lai ber hi tuifinriat zawl atanga tehin Metre 5516.1ft/1681.3 a sang a ni. Keifang a tam in a hmin hun lai chuan Samthang khawtlang, a pui a nawiin hlim taka an hun awl hmanna hmun a la ni reng. Chu Bualpui Tlang sang liam maiah chuan dil lian lem lo tak a awm a, chu chu Bualpui Dil tih a ni. Chu dil chu ramsate'n tlan in inbual nante pawh an hmang thin.

Tuilehluang leh a chheh velah hian sa an tam em avangin, hmun hla tak atang pawhin pasaltha te'n sa pel turin an pan vang vang thin. Mizo pasaltha hmingthang Vanapa pawh kha he hmunah hian ramvak ve thin niin an sawi. Tin, lal huaisen, pasaltha, hla phuah leh zaithiam, lal Nikuala meuh pawh kaw l bun tir thei leh a u ngei pawh tuk tlawm thei Tuchhingpa/ Hniarvungpa pawhin a lo hmingthan pui, a sa kah thinna hmun chu Tuilehluang hi a ni.

Kan sawi lai mek Tuilehluang hming chawi lartu ber pawh Lalkhuma'n heng lai ram vela hlawhtling taka an ram chhuahna hla-a a phuah hi a ni. Kan pi leh pute khan Pasaltha, ram lama sa la thei tak te hi an ngai sang a, mi huaisen takte pawh an ngai hlu in, khua leh tuiin an thlamuanpui thin. An chak leh nih tum ber thin chu in lam emaw ram lam emawa Thangchhuah a ni. Chutianga ram lama thangchhuah tum pasaltha kal ta te'n an duhthusam, sa chi hrang hrang an hmuh theihna 'Tuilehluang' leh Pasaltha sa pel tur te'n hla tak atanga zan eng emaw zat riak buhfai, chala thlan tui luang zawih zawih-a an phurh, mahni in ang maia ngaihngam taka an nghahna leh an chawlh hahdamna hmun Thuamngena Puk chanchinte hi thangthar tu khaw hriat lohva han thamral mai tur atan chuan a pamhmai lu deuhvin ka hria a, ka han tarlang ve a ni e.

MARYMA	PHEK 3-NA	RN YMA CHANCHINBU
 ZIN & HAW ■ Dr. Vanlalhlana, Bialtu MLA hna pawimawh buaipuia Dampaa zin chu a lo haw leh ta. ■ Pu Tlangtimawia Zote, Ex-President RN YMA, te nupa chu an tute hruaiin Shillong lamah an zin. ■ Pi K. Lalthlamuani w/o Lalremsiama, C-Sec. chu inentir turin Shillong lamah an kal a, A unaunu Pi K. Lalhmuaki leh a vahnu Lalremsangi ten an kalpui. ■ NI. Lalhruaitluangi d/o Lalhriatpuia, V-Sec. chu a zirna chhonzawm turing Guwahati-ah a kal leh ta. ■ NI. Lalrempuii Varte d/o Vanlalfaka, N-Sec. chu a hna thawhna hmun Zobawk, Lungleiah a kal leh ta. ■ NI. Sarah Lalrinsangi d/o Lal Chungnunga (L), V-Sec. chu chhungte tlawhin Mumbai-ah a zin. ■ Pu Lalduhawma, N-Sec. chu inentir turin Vellore lamah a zin. ■ Pi Thangngaihawmi, S-Sec. chu inentir turin Mumbai-ah a zin. ■ Pi K. Lalsangpuii w/o J. Lalbuatsaiha (L), S-Sec. chu chhiat an tawh avangin Kepranah a zin. ■ Dr. G. Lalthianghlina, C-Sec. inentira Vellore-a kal chu a lo haw leh ta. ■ Pi C. Zirthangi w/o Lalbiaktluanga, V-Sec. chhiat tawh avanga Shillong kal chu a lo haw leh ta. ■ Pu H. Vanlalhruaia, N-Sec. te nupa Pangbalkawna zin chu an lo haw leh ta. ■ Pu Vanlalnghaka Zote, T-Sec. chu inentir turin Kolkata-ah a zin. ■ Pu R. Rohmingliana, (MLA) T-Sec. chu a bial Thorang lamah a thang mek. ■ Pu Lalfakzuala, N-Sec. Asst. Leader, hna pawimawh a Dampaa zin chu a lo haw leh ta.  LAWMAWM ■ Er. Malsawmdawngliana, V-Sec. te chuan LRM Hospital-ah fanu an nei thar.  PAWL DANG ■ RSC: Tunlai hian RSC Field chhuat chhe zual lai hnawh a ni a. A ro that hma chu uluk leh zuala min enkawlpui turin a hmang thintute min chah a ni. ■ MHIP: Ni 30.01.2025 khan kum 20204 committee hnuhnung MHIP Committee Room-ah an nei a, Chawhlui an kil ho nghal.	 DAMLO ■ NI. Lalremliani d/o Ex. Hav. Thanzauva (L), S-Sec. chu a tlu sua, in lamah enkawl mek a ni. ■ Pu David Zothanfala, K-Sec. chu a hnathawhna lamah a inti palh a, in lamah enkawl mek a ni. ■ Pu PC Lalmachhuana, K-Sec. chu a nghawng a vung a, in lamah enkawl mek a ni. ■ NI. Zopuii, V-Sec. chu Cancer Hospital, Zemabawk-ah enkawl mek a ni. ■ Pi Ngaizuali w/o Tuikhuahtanga, N-Sec. chu Ebenezer Hospital-ah enkawl mek an ni. ■ Pu Rochuhthanga, S-Sec. chu a chetsual avangin in lamah enkawl mek a ni. ■ Pu R. Lalremruata, S-Sec. Nazareth Hospital-a awm chu a lo chhuak leh ta. ■ Pu Malsawmdawngliana, S-Sec. chu LRM Hospital ICU atangin ward-ah sawn chhuah a ni. ■ Pu Tuikhuahtanga, N-Sec. Ebenezer Hospital a awm chu a lo chhuak leh ta. ■ Pi Lalmuanpuii Khiangte d/o Lalsawmliana (L), C -Sec. chu Nazareth Hospital-ah enkawl mek a ni. ■ Pu Lalbiaksanga, V-Sec. chu taksa chak loh avangin Nazareth Hospital-ah enkawl mek a ni. ■ Pu K. Lalthansanga, T-Sec. chu natna hrang hrang avangin Ebenezer Hospital-ah enkawl mek a ni. ■ Pi Zapari w/o Rev. C. Biakmawia, T-Sec. Aizawl Civil Hospital-a awm chu a lo chhuak leh ta. ■ Pi Thangrikhumi, C-Sec. chu taksa chak lohna avangin in lamah enkawl mek a ni. ■ Pu R. Lalzamlova, T-Sec. Pneumonia vanga ZMC-a awm chu a lo chhuak leh ta.  KOHHRAN ■ Presbyterian Kohhran: Kar hmasa a Ramhlun North Pastor Bial KTP Conference Vawi 44-na neih zawh takah bial OB atan kan veng atangin heng mite hi thlan tlin an ni. Leader: Tv. K. Lalchhanhima, S-Sec. Asst. Leader: Tv. Lalremsiama Khiangte, K-Sec. Secretary: Tv. Lalhruaizela, S-Sec. Treasurer: Pu A. Biakthansanga, K-Sec. ■ BCM: Kar hmasaa Rawngbawltu an thlan tharah kan veng atangin heng mite hi thlan thar an ni. Pu K. Lalremruata, T-Sec. Pu K. Rothangpuia, T-Sec. ■ Salvation Army: Tun lai hian an biak in bang te thawm thain a zut mam mek.	 THILDANG ■ Pu K. Lalruala, Ex-President, N-Sec. te chuan an nu Pi Thanchuangi ni 27.06.2021-a boral ta hriatrengna lung ni 31.01.2025 khan an phun. ■ Tv. Francis Lalrinzuala s/o Er. Lalmuanzova, V-Sec. chuan a post thar Hnathial-ah a zawm fel ta. ■ SUB CENTRE: RUH LEH THA NA NEI TAN AYUSH FREE CLINIC NEI DAWN Ni 04.02.2025 (Thawhleh ni) hian Ramhlun AYUSH HWC (Sub-centre)-ah Ramhlun Venglai leh Ramhlun North huam chhunga kum 30 chin chunglam Ruh leh Tha na nei tan a thlawna inentir theih a ni dawn a, AYUSH damdawi a thlawna sem a ni baw ang. Kum 60 chin chunglam tan chuan eng natna pawh entir theih a ni ang. In ziah luh hun : 9:30 a.m. - 11:00 a.m. A hmun : Ramhlun AHWC (Sub-centre) EPTB hi chuap tih loh taksa peng hrang hrangah a awm thei a. Chung te chu : 1. Thal baw TB 2. Chuap a tui TB (Chuap bawra tui tling) 3. Pumpui/Ril TB 4. Ruh TB 5. Thluak TB 6. Lung hâr TB (Lung tuam) 7. Zunkawng leh Serh TB 8. Beng, hnar leh hrawk TB 9. Vun TB 10. Mit TB A lan chhuah dan tlangpui : 1. Pumpui bawr vela vung 2. Pum nâ 3. Pumpui a tui tling 4. Mît liam 5. Kawtha lo 6. Khawsik 7. Rihna tlahniam 8. Thi a luak Heng natna lan chhuah dan hi i nei a nih a, EPTB i inringhlel a nih chuan i hnaih ber Sub-Centre (Health & Wellness Centre) pan ang che.  CENTRAL YMA Pawlkut thla ni 27, 2025 (Thawhtanni) zana Central YMA Executive Committee thukhawm chuan, Sawrkarin Lengpui Airport midang kuta hlan a tum chungchang a ngaihtuah a. Ni 9.8.2024-a NGO Co-ordination Committee-in, Indian Air Force (IAF) kuta Mizote rohlu Lengpui Airport hlan a remtih loh thu a lo puan chhuah tawh chu kan dinna ngai niin, kan ram leh hnam rohlu Lengpui Airport hi IAF kuta hlan hi kan remti ngai dawn lo a ni. Hemi chungchangah hian Mizoram Sawrkar pawh, Mizo ram leh hnam tana tha ber tur thlir chung a ngaihtuahna hmang nawn leh turin kan ngen tak zet a ni. - GS Central YMA



LEITLANGPUI LAMAH

-Khuma, N.Sec

Kum 2006, Khuang Chawi Thla, de ðan tir, ruah tui hul hma deuh si a, Zarkawt kawna, ka bungraw phurh tur, kan rem mawlh kha sin, min hmang tute ðahnem ngai nen, Motor lu chung a din a, ka ding pil hmawk a sang, kan han rem mai chuh, phuar ngheh a hautak a sin.

E khai!! Ti em em a tam chu, a lei tu tur an awm lo ang, tih ka hlahpui hial nia, in bungrua hi a mal te te in dah hrang ila, chhiar sen loh let khat chu a tling mai lo maw tiin, a neitute ka zawt hial reng bawk.

A tam a, a sang bawk a, hrui lah kan hmang hnem, Electric hruihui te kha, kawngpui aþanga, a san teh lul nen, kan phuar tel lo chauh in ka hria, in hnaih tak kan ni.

Tichuan, kan inphuar fel hnu, zan dar 11:00 pm pelh hret ah, Pu Engmawia, C.Sec. ho in, Leitlangpui lam panin, kan inkhalh phei ta a.

Tin, a hma zana, ka lo men rei avangin, thui tak khalh leh, tlaivara khalh kha chu, ka zuam lo hrim hrim bawk. Zing lam dar 1:00am pelh hretah, Baktawng dai, kawng sir thlam ram tawh bulah chuan kan ding a, Motor a thut mut nge chi ang, thlam a riah tiin, ka thiante chu ka rawn a, kha thlam lah kha, a chung a phui lo nen, a bang a pawp hrup bawk. A neitute luah lohna a rei tawh hmeh nen, a luahtu awm chhun chu Ramhuai leh Thlahrang a nih a rinawm, kan pathum chuan motor a thut/mut chu kan thlang tlang ta ber a.

Tichuan le, kan pathumin, motor chhungah kan thu/mu ta a, kan chau tlang bawk aniang, a hma a insi miah lo a thu kha, kan han mu tui tak tak mai chu e, kan han in ngheng nguai nguai mai a, mipa pathum puitling thah mut tui lutuk vang a, kan han inngheng tak tak mai chu pui tak a ni. Khawfing chah dawnah phei chuan, kan mu tui lutuk kha, kan inkuah lo chauh nia.

Khawvar fel hnuah chuan, ka inphihfai nawk nawk a, kan tum ram panin kan kal leh ta a. Ka thiante pahnih mutchuak lutuk kha, Motor-in sawi nghing leh nghawr avang chuan an rawn meng dun riai riai a, Sahuai ni do ang mai, khawvel eng an hmu peih lo ni hian ka hre ber.

Tin, heti hi a ni a, Motor khalh pahin, ka ipite chhunga ka tangka pai, ka han in dap a, ka dap fuh thei reng reng lo bawk, kalkawnga kan chaw man tur chu a lo awm tawh miah lo niin, Zarkawt a kan bungraw load-naah ngei chuan, ka ti bo a ni tih chu ka hre ta a, kan bungraw phurh sang nen, kan ðawn velnaah, kar full lo chauhin bungrua kha kan rem in kan lo ðawn bawk nen, ka tangka ipite khan hnuai lam a lo hawi zauh zauh bawk nen khan, ka ti bo ngei a ni tih chu ka chiang hle bawk.

Keini hi ngawi reng a kan kal chuan, ril tam leh tuihalin kan chau dawn, engtin nge ni ang, tiin, Pu Engmawia chu ka rawn a, a ni chuan, kan veng mi, Serchhipa awm an ngaihtuah vang vang a, tin ani hi, Rinna kawnga mi chak leh tawnhriat ngah zet mai a lo ni bawk a, an inpih lawk a Pu Daniela, a ngaihtuah chhuak hlahu mai, kan lawm dun teh asin.

Tin ngai ru, Serchhipa khuah, kan han lut khu luih mai chu, Pu Niela chenna in hi khawilai nge ni ang aw, tih kha rilruah a thum rawn tlut tlut mai a, pa pakhat, hmeh en a, Sakhuana leh Kristian-na ngaihsak hmeh loh zet mai, ka han zawt a, ani chuan a lo hre hlahu mai, lawm tak kan ni.

Min kawhmmuhna in kawngka kan kik lauh lauh a, an rawn hawng chu, U Niela, Bible keu a lo ding hluai tawh, a puan ven sawi chhing mek chu ka hmungah a, Naktuka rawn pek phei leh turin, Rs 500 puk kan dil a, tin, a ni hi, fel na a ril tam a tui hal, kan tih ang chi, a lo ni bawk nen, a puanven kar aþang chuan pawisa chu min pe a, lawm tak chungin kan chhuahsan ta a.

Tin, Pu Engmawia'n, "Pu Niela kha awm leh mawi chu, ngaihtuah lo ila chuan, Ir chuktuah a, fawh hial a chakawm, ani kha awm lo se chuan, chaw nghei a ngai dawn si a, tlai thlang a eng mah eina tur kan nei dawn si lo a" a ti hial a.

Kei lahpek chuan, a dik alawm, fapa tlan bo te kha, ka hre chhuak rum rum nia, Apa lawm lutukin, a Ir chuktuah a, a fawp ang deuh khan, Pu Niela kha han fawp dun ta ila, lawm avangin mite hmuh leh ngaihah chuan, a mawi lo in a rapthlak viau maithei a ni, chutih rual in, kan lawmna chu, lei danah ani ang, ka ti hial reng bawk.

Tichuan, kan tum ram panin kan kal zel a, Keitumah zingchaw fakim, khaw thenkhat, kan hmehhriat te awm na ah, kan chawl zeuh zeuh a, chutia kan chawlh tui lutuk lai chuan, Ruahpui vanawn, ðahnem ngai tawkin a lo sur nen, hun a kal duai tawh mai a, hmanhmawh tawkin, kan tum ram panin kan inkhalh phei ta vut vut a.

Chutia, ka hmanhmawh lutuk chu, kei anga, hmanhmawh ve tho, Sumo pakhat nen, kawngkawiah, inhmu lawk lo in, kan intawk thut mai a le, keini pathum chu, hma lamah, kan bu phei dial a, tin anni pawh chu, a mi phurh te nen, an rawn bu phei dial ve bawk.

Kan motor khalh ve ve kha chu, kan tlawh ding zo, mahse kan tlan chak lutuk kha, kan tawlh dun a ni ber mai, kan insu tawh emaw ka ti a, motor aþanga chhuakin, kan enchiang mai chu, kan inkar ah khan, sam zai pawh a leng lo hial maithei, keini aia insu teuh kha, an tam lo viau maithei a ni, he ramah hian.

Aw le, tluang taka, kan kal leh theih hnu chuan, buaina awm lo in, kan bungraw phurh chu, va dah felin, kan lokir leh vang vang a, kan tangka puk kha, a let hnih tal a rulh duh mah ila, a ngai chiah in kan rawn rul phei thei hram bawk.

Tichuan, hringnun zin kawngah hian, buaina leh harsatna te, tawh changa, mi fel zia leh thatzia te, tin, rin loh leh beisei loh lam aþang pawh a, buaina chi hrang hrang leh harsatna, engkim mai hi, tawh theih a nih zia, chhar chhuak tlang theuh, chungin, tluang takin, mahni veng a rawn thlang in, kan inþinsan ta hlawm a.



VALTEA STEEL AND ALUMINIUM FABRICATION

Steel leh Aluminium eng chi pawh siam tur neite tan koh leh biak rawn theih reng kan ni e.

LD – 7640879768 | 9366215935

M.S. SEPTIC TANK SERVICE

Septic Tank khat paihfai, commode Block, Pipe Block leh Soakpit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

HNA RUAK

Presbyterian English School **PES** a thawk tur zirtirtu pahnih mamawh a ni a, a dil duh tan a Ni 3-28.02.2025 chhungin PES-ah dilna form a lakchhuah theih ang. Trained Graduate leh Theological Graduate tan dil theih a ni ang.

Ni 4.03.2025 ah Ramhlun North Presbyterian Kohhran Biak-In hnuai Sunday School Room-ah Written Test neih a ni ang.

Ni 15.03.2025 10:00 am-ah Ramhlun North Presbyterian Kohhran, KTP room-ah Interview neih a ni ang.

Rev. B. Sangthanga
9436372139



PINECREST ACADEMY
(CBSE)

Under Podar Curriculum Consultancy

LKG — GRADE 8

LEARNING BENEFIT

- CBSE Curriculum
- Proficiency in English & Hindi
- Life Skills
- Co-curricular Activities
- Computer Studies with practical

A WORLD OF REDEFINING LEARNING

ADMISSION OPEN FOR ALL CLASSES

Registration Forms Available at the School Office

OFFICE HOUR : 9:00am - 2:00pm
LOCATION : Ramhlun Vengthar, Aizawl



CALL US
9862498006 / 9436155955